



徐文長集 七之九



庫文閣内		
函架	三六〇二	漢書類
九	〇	
架	冊	號

庫文閣内		
函架	三六〇二	漢書類
九	〇	
架	冊	號

内閣文庫		
番號	漢	3602
冊數	10 ( 4 )	
函號	317	135



徐文長文集卷之七

淺草文庫

公安袁宏道中郎評點

門人郝之璽公琰校訂

七言律詩

君從


君從閩海下南昌，正值中宮降玉皇。龍號真人親

拜斗，繡衣使者自焚香。壇中祝壽千官滿，官裏傳旛

兩道長。不是薄游江海客，何由得覩此輝光。

九重

端麗



九重憂隱德如湯。禱祀壇傍夜有光。旱魃正逢周甲子。神君俱集漢明堂。繡成旛蓋虹雙引。挂定琉璃水一行。聞說詞臣咸萃止。抽毫拂素侍君王。

白燕

閒庭盡日見還稀。院院梨開去漸微。別殿幾年埋玉匣。舊人何處認烏衣。春風水面徒聞語。夜月梁間好弄輝。安得姚家紅線縷。却看片雪帶花飛。

又

西飛歲歲候青陽。花發名園何處藏。天子郊禱呈瑞色。主人臺榭有輝光。輕翰掠雨綃初剪。小尾流風練愈長。萬里東歸看易沒。海天元是白雲鄉。

續白燕

俱有神彩

一時伴侶自應非。海路空長遇亦稀。漢將玉門投老入。趙妃雪夜待人歸。孤迴夏日搖寒色。漸下秋空見羽衣。已識朱門無可托。玉樓天上任高飛。

又

青壁紅窓映苑牆。衝花泛羽啜群芳。霜迷萬瓦單栖渺。草綠千堤片影涼。雲母屏深低綳袖。水晶簾動拂

流黃西園蝴蝶渾無賴。暗粉飄塵上海棠。

寄成女彝守備登州

女彝時寄蓬萊集  
載登州海中蜃景

牙門遙映列僊臺。總帥偏宜上將才。出海戈矛俱借  
水飛空矢石併成雷。天邊送鴈將心往。馬上題詩帶  
景來。解道觀游憐獨賞。那能分向小蓬萊。

送方阜民公子還歙

方阜民尊公知山陰渭  
始籍諸生提調師也

江關楊柳弄新晴。游子思家數去程。客裏經春花作  
伴。酒中連日雨留行。輕裝未結離歌發。大道臨岐感  
慨生。欲把今朝雙別淚。寄彈一滴使君靈。

送通政胡君入閩

敬所君有同年  
御史大夫鎮閩

訪舊暫為閩海客。歸塗兼得武夷游。不堪暮雨張筵  
別。況值春花帶葉抽。山障入雲迷去騎。溪濤作雪瀉  
行舟。幕中無事同君飲。好向尊前借筋籌。

言遊武夷道中撫景因憶往年尚賓呂君天台

之約 言必脫腐寧失淺弱

巖壑千重路轉偏。春陰漠漠帶炊煙。困投野店聊呼  
酒笑。問名山數舉鞭籠鳥對人喧。曙色桃花臨水弄  
新年。多情忽憶天台約。歸去應尋剡曲船。

落花 風流爾雅

花落條空芳樹稀。秦王宮裏捲羅衣。經過楚巷兼人  
麗。乍入梁園雜雪飛。送雨迎風俱是別。沾泥帶水不  
能歸。明年知向何枝發。願傍青陽近日暉。

泊閩門值閏月中秋 海鏡句本不韻全誦之

忽忽愴神

中秋只尺已蹉跎。更值中秋此地過。天上桂輪長苦  
滿。人間酒盞莫嫌多。虹橋一散能追不。海鏡孤飛奈  
墮何。最是虎丘此時節。清歌不住水微波。

送葛韜仲 時予初解繫

杏花楊柳夾扶疎。送客澄江煮白魚。紫艷葡萄千日  
酒。白藤花匣萬言書。豐城劍出應雙躍。壘觀緣多且  
獨居。待爾他年拂衣日。看予渡海跨青驢。

飲枇杷園贈某君東道 園逼東隣鈕給事家故有後四句實景也

紅葵古盎碧蛆沈。南市青帘買却斟。布衣真可十日  
飲。碑錢索得隔年金。游魚觸沼聽歌淺。獨鶴穿花出  
唳深。給舍酒厨東壁是。縛拚畢卓可能禁。

奉送同府潘公募兵廣東 末數句劣

使君佐郡儼行春。開府知名下令新。手挈萬金收死士。身藏半綬見鄉人。部分卷甲趨春雨。弩矢成行夾畫輪。引向轅門投謁罷。試看王客集魚鱗。

十四夜

風韻冷然使人味之無盡

野外虛堂夜不扃。遙遙秋漢數峰青。舊栽菱葉侵河路。新折蓮房插膽瓶。涼氣欲來先到水。月光纔上只移櫺。請看明夕三更漏。相對何人坐紙屏。

月下梨花

芳娟可玩

今宵風物異尋常。月底梨開萬朶光。閃雪搖冰偏倍晝。迷枝浸葉總生涼。痕嬌舊積啼春雨。鏡色新圓選夜粧。莫遣風吹迴作態。素娥應妬舞霓裳。

又

細藥繁花帶月芳。新粧搖蕩宋家牆。銀叢泛影通河切。酥的飄輝接夢長。夕鳥幾條垂滴滴。春空一片綴蒼蒼。却嫌曙色催將曉。冷暈微收益渺茫。

又

丹輪皓質兩微茫。桂粟梨雲鬪淺黃。萬點綃痕春帶水。一庭雪影夜生香。小星解照周衾伴。不夜爭懸漢

帳倡訝道獨禁風露冷曾聽法曲立更長

又

璧月流空霽色揚梨英當夕弄青陽  
搖寒隔院非關艷。暎斷長天別有芳。  
粉靨團團新出洗。窻錢一一暗浮霜。  
多情錯認梅花夜。教進羅浮夢裏觴。

新建伯遺像

方袍綦履步從容。高額籠巾半覆鍾。  
千古真知聽話虎。百年遺像見猶龍。  
夜來衣鉢今何在。畫理須眉亦似儂。  
更道先生長不減。那能食粟度春風。

夜酌遲友人不至

方朔侏儒兩欲死。智伯中行一是知。  
醉裏放言何造次。醒中爲客太支離。  
簷飛細雨除清暑。燭笑麤花旋紫芝。  
坐待人來將說與。夜深敲缺唾壺兒。

贈府吳公詩

并序

吳公自曩昔攘斥夷寇其在吾紹興若浙東  
西松江諸道者人易聞且見故多美頌之詞  
迨舟山之役越在海外其撫民搏寇之功最  
多而且艱人掩之莫得而知也獨涓以書記

辱在督府隨衆人後雜談戎伍稍悉其事而  
今年台溫之捷公之伐又最高公既讓美不  
言而世之公道將遂因以漸沒乃用鳴之以  
詩使公知知其事者尚有如渭者在而渭之  
所處則固有難於知者也

幕中曾與衆人群幕外閒聽說使君破劔壁間鳴怪  
事孤城海上倚斜曛詠諧併謝長安米懶散猶供記  
室文把筆欲投還自笑故山回首隔江雲

與客登招寶山觀海遂有擊楫岑港一窺賊壘

之興謹和開府胡公之韻奉呈

滄海遙連雉堞明登臨喜共幕賓清千山見日天猶  
夜萬國浮空水自平不分番夷營別島願圖方略至  
金城歸來正值傳飛捷露布催書倚馬纓

爲子微題鷓鴣圖

鷓鴣對啼  
見本草

瘴雨蠻煙嶺樹蒼舊遊曾記泊桅檣對啼江岬霜初  
歇獨聽扁舟草正芳旅景誰將上縑素羽衣今復見  
茅堂似嫌越鳥南枝慣擬欲乘風向北翔

兩宿齊雲下憩逆旅夜大雪因復登眺



夜投山店醉眠休。早起茫茫攬敝裘。更向松間尋舊侶。要於雪後倚高樓。幾重碧殿深相映。萬里瑤臺儼若遊。歸路欲迷何處覓。野梅花落遶溪流。

孫忠烈公挽章

行藩黃屋車何用上。壽瑤堦酒未酣。豈有滿庭持漢節。終無箇士死淮南。百年正氣天爲永。一覺忠魂夢亦甘。詞客幽懷關世事。悲歌重扣劍之鐔。

下第回值九日登塢土山訪北庵上人

歸家忽已逢重九。聊向高山試一登。舌在何爲更問婦。葦除元不是求僧。秋雲隔水流數片。落葉依巖積幾層。話了出門月初上。听蘆汀菊也相應。

訪玉芝師夜宿新庵同蕭女臣

參禪喜與梁王裔。合掌跏趺野竹叢。坐久空堂諸呪歇。夜深明月四山中。親陪客話拈珠串。獨卧行單坦片椽。一宿相留渾舊事。無生自愧永嘉公。

往年觀伎走解意當是北產故綴四律首章用

北語今年復來知。是金陵上元人又携一少伎。同坐鑪上分燈放體空中名曰童子拜觀。

音乃昔年所無者 新綺

人似明珠馬似盤。超騰隱現不離鞍。各彎燈底羅鞋窄。都在空中粧翠寒。合掌幾回投地去。同心雙蝶隔花攢。莫嫌歲歲頻來往。家住金陵自不難。

與王山人對語

仗劍渡江王猛身。歸來又共坐青裯。平原自有三千客。門下聊同十九人。曾許鳳雛應不忝。由來龍性本難馴。久知世事只如此。且借清樽一洗塵。

乙丑元日大雪自飲至醉遂呼王山人過尚志

家痛飲夜歸復浮白於園中

元日獨酌不成醅。穿隣喚客雪中過。三百六旬又過矣。四十五春如老何。幘軟漸知簪髮少。興豪那計酒籌多。小園風景偏宜雪。綴柳粧梅有許窠。

飲太白樓

馮弔追愴

城上高樓接大河。城南池沼遶朱荷。千年供奉飛杯地。一夜徐州上水歌。露冷秋蛾爭彩燭。川長風荻亂金波。客中行樂無過此。前夕中秋何處過。

楊道人訪我于繫索詩

道人半在城都行，今過稽山上禹陵。身載瞿塘雪後水，手拖菡萏醬國中。藤稍談鹿乘延卑品，欲拔雞羣亦上昇。近日嵇康知不免，懶將消息問孫登。

新秋避暑豁然堂

起套蘇不厭結用杜轉佳

竹雨松濤響道房，瓜黃李碧酒筵香。人間何物熱不喘，此地蒼蠅凍欲僵。一水飛光帶城郭，千峰流翠上衣裳。窻前古木搖枝入，好挂輕絺細雪涼。

過陳守經留飯海棠樹下賦得夜雨剪春韭

春園莫雨細泱泱，韭葉當籬作意長。舊約隔年留話

久新蔬一束出泥香，梁塵已覺飛江燕。帽影時移，海棠醉後推敲應不免。只愁別駕惱郎當。

迎春值雪

連歲雪多甚

雲黃瓦白照千家，雪裏迎春倍物華。士女紅樓先捲幔，吏人采杖忽生花。瑞多自古無連歲，路滑從東接郡衙。半是三農占水旱，直隨牛尾不辭賒。

宮人入道

明月宮女名

昭陽隊裏泚鉛華，垂老參師日半斜。不向秋風怨團扇，却教明月進琵琶。朝留楚篋身為雨，夜繡茅君線

作霞見說。綏山閑姊妹。尚論恩寵舊。誰家

贈秦仲虛

冰玉山人木絕埃。西湖自築初陽臺。何年養鶴曾飛去。是水當門盡遶來。道士忽逢松樹下。漁舟放在藕花隈。知余欲與為隣舍。指點孤山一角梅。

宿長春祠夜半朱君扣榻呼起視月山缺處露

錢塘僅一勺而夜氣滄之

雋爽

長春明月夜闌干。起視當眉尺五間。千里林光俱浸水。一杯江氣亦浮山。似聞隔岫吹長笛。欲喚真官語

大還忽憶廣寒清。冷甚有人孤佩響珊珊。

恭謁 孝陵正韻

漢高彷彿 皇祖而以少文終其身故五云然是日陵監

畧陳 先事

二百年來一老生。白頭落鬼到西京。疲驢狹路愁官長。破帽青衫拜孝陵。亭長一杯終馬上。橋山萬歲始龍迎。當時事業難身遇。馮仗中官說與聽。

答贈盛君時飲朝天宮道院

儼爾身游

長安道院一牽裳。司馬筵中再舉觴。柿葉學書才不短。杏花插鬢意何長。藥沈綠醕家廚釀。霜折紅蕉道

觀房坐裏黃冠三兩輩。醉來相與說。先皇。

中秋雨集金氏園亭次陳思立

詩朋酒斯亭  
朋雙尊也

中秋風雨劇。凌馮拂悶。觥籌倒一朋。綠桂隔年疎。彩  
暈銀毬終夜斷。長繩泥深水。掌花邊。鴨帽落霜顛。影  
外僧醉後。忽呼長劍。看赤鱗。乘漲欲飛騰。

十六日霽與張長公同登城隅次長治韻

飄砧飛柝戍營秋。坐裏閒聽說潞州。孤鈿滿城也水  
洗。明河千尺傍人流。笑論昨夕能漂瓦。醉喚紅裙緩  
下樓。自古陰晴誰料得。莫辭連夜典鸛裘。

邦憲死

朱氏  
而俠

讀此覺琢鍊者為煩

遠從黃浦白波邊。淚盡枯魚黑索前。共許相逢還幾  
度。詎知此別卽千年。白楊樹下多風起。廣柳車中少  
客眠。見說吳門塘上曲。纔歌高士卽潛然。

贈遼東李長君都司

三四可謂壯采

公子相過日正西。自言昨日破胡歸。寶刀雪暗桃花  
血。鐵鎧風輕柳葉衣。百口近來餘幾箇。一家長自出  
重圍。禪關夏色炎如此。聽罷淒霜雜霰飛。

許口北遺以綾帛綿三物題曰袍具作詩謝之

寓之西隣為朝玄觀多棲方士諸邊競用蔚州之炭

吳蠶已挂山人肘邊馬尤堪北寺臺其奈沙場惟解雪那能花處一題梅昨期後府將軍獵今學西隣道士雷疊取蒲團高一尺坐消一輛蔚州灰

小集滴水厓朝陽觀

上谷

取其快句

朝陽道觀一何縣滴水孤厓百丈邊餘氣出關雄大漠長風吹壁立青天窓扉近在栖鵬處閣道都攔坐客前不信夜來高頂望定應笙鶴下飛仙

徐州

將登黃樓問棗下之婦

今歲青青隴麥稠去年河水過堤流無家不自波中出有鼈都經樹杪遊棗葉雙扉詢翠袖柳根一面護黃樓泗州潭底獼猴老不信今還鎖泗州

駕歸自閱群望于衢恭賦

三月三日

桃李晴曛禁苑煙鑿輿新幸北郊旋團花靺鞨春日細柳旌旗拊髀年一道甲光將雪借千群馬色截雲鮮誰兼將帥為天子共喜文皇九葉玄

張雲南遺馬金囊

時余尚羈而張亦被議

百顆緘題秋暑清遙聞摘向最西營張騫本帶葡萄

入馬援難拋。惹苒苒行。萬里錦苞。辭曉露。一泓寒舌攬。春。錫年來不爲臨邛病。無奈羈愁。渴易生。

壽吳宣府

近來宣府息烽埃。台吉求生。欵鎮臺笑。引雙椎。胡女拜傳呼。萬帳令公來。艾年佩鵲。寧非早。薇省垂魚。不待推。報與江南春信道。題詩寄處。隴梅開。

美人紅甲

尚未雅

近日新粧處處施。玉纖染草學胭脂。并將櫻顆銷筠管。忽散桃花上柳眉。春色每從稍畔露。麗情半出袖邊知。塞風昨夜吹膠折。抱得琵琶下手遲。

禹陵

桓碑空石也。魚蠹也。楊梅樹下。予疑禹穴在此。玉字謂金簡玉書也。

年來只讀景純書。此日登臨似啓予。墓罷桓碑猶豎。豎卵封完玉字。不通魚楊梅樹下。人誰解。苗。昔。鬚。中。氣。所居。卽遣子長重到此。不過探勝立須臾。

曹娥祠

曹娥十四死。長江江水連潮萬里長。精衛定應仇。渤澥子胥豈只怒錢塘。一江魚鼈浮尸出。八尺龜螭卧。絹黃總爲金釵收。正氣可憐。梟獍遶爺娘。

露筋祠

烏鳥既能傷義士，蚊虻何苦碎貞肌。由來天道本無定，誰使昆蟲必有知。畫壁幾殘春社雨，靈風時滿夜歸旗。煙波一望三千里，長在湘江洛水湄。

馮刑部索書冊

慶成與宴圖

躬耕既喜陪明主，列宴兼榮享大庖。蒼帝青陽臨左个，朱犁黃犢引南郊。筵前甕盎歸餘瀝，馬後蹄肩帶割肴。笑語細君將母好，不勞諧謔自為嘲。

送嘯上人之五臺

長嘯上人者，來自長干。整謝雞鳴之妙景，

馮短錫却棲鳳禁之西禪。候三月以飛花指

五臺而跌草佛燈萬點，天放琉璃山翠千重。

神移鷺鳥異文殊之親覲，別社友以長征四

韻送之數言以引

白下珠林最有名，忽來燕趙作遊僧。春風大眾迷花雨，夜壑孤藤看佛燈。已辦一瓢相伴去，其如多病不能興。歸來只洗雙荷葉，聽學文殊演上乘。佛家以耳為荷葉

集李侯宅得鍾字

詩內賜鮮楊梅故用李令問鶩事卽杜詩李少監也李侯



高廟甥家有所賜手書又有  
真貝多葉經千番字如屯蜂

侯家簾幕夜重重。醉客觴繁斷禁鍾。賜果自鮮冰後  
色。罌鴛直賤丈前醲。月斜苑樹寒孤鵲。字暗番經集  
萬蜂。尚有御緘看未得。何時重許拆雙龍。

燕子樓

牡丹春後惟枝在。燕子樓空苦恨生。昨淚幾行因擁  
髻。當年一顧本傾城。分爲翡翠籠俱老。訝道泉臺伴  
不成。猶勝分香臺上妾。更無一箇哭西陵。

送余興國

隣家兄弟逼炊煙。不見于今四十年。頗有長顚堪佐  
幕頭多短髮。尚留燕深秋。一路逢紅葉。明月雙帆挂  
大川。黃鶴樓中可相引。石榴皮畔覓神僊。

駕幸月壇群望西街

玉露清秋湛碧空。金輿夕月引群工。紅雲自結龍文  
上彩仗。如移桂影中。壁畔常儀端捧鬯。郊西新鬼正  
垂弓。布衣久分華山侶。笑向歸驢墮晚風。

九月十六日遊南內值大風雨歸而雪滿西岫

矣

石橋魚龍百族巧甚云是西  
洋物乃三寶太監取歸者

徐文長文集 卷一  
寶樹瓊臺夾梵輪。星壇月宇詎非神。從來天上游。俱  
夢說向人間。恐未真。風雨故梢銅網翼。魚龍欲活石  
橋鱗。尋詩正是迴驢處。忽面西山雪照人。

送新昌潘公

北斗聲名重二京。東朝保傅謝初榮。百年華髮晞三  
握。一日朱輪送滿城。漸喜河冰仍綠水。稍聞鄉雪盛  
黃精。快帆定落歸心後。客夢幾番天姥青。

將別復偕遊碧雲流觴枯柳之下

征輿解道明朝發。別酒遙從此地酣。盡日迴腸依曲  
水。昔年種柳似江潭。霜高睡短雞偏促。雪滑泥長馬  
不堪。差有梅花知客意。一程開逼一程南。

送朱使君太僕

長安明月金叵羅。幾度從君醉踏歌。北寺雲屯朝烙  
馬。西清風起夜聞荷。大臣自引行當召。醉尉逢人且  
莫呵。一葉米家書畫舫。白虹終夕遶滄波。

李子遂死予設位哭之遂擊木而歌此

淚盡南天哭不回。李生真是可憐才。生芻解識徐家  
物。死夢應尋范式來。紫氣鎮干埋不得。青楓刺繡任

成灰知君去證金環果戲取楊花李上開

讀問棘堂集擬寄湯君

蘭茗翡翠逐時鳴誰解鈞天響洞庭鼓瑟定應遭客  
罵執鞭今始慰生平卽收呂覽千金市直換咸陽許  
座城無限龍門蠶室淚難偕書札報任卿

金剛子珠串

典麗中風趣自足

不共番經出寶函定從胡腕摘偏衫核堆繡字蠶  
蠟果聚香林孔雀銜不斷百思惟嶺獍手提一串縛  
狂慘饑來喚米無人識送與游僧上海帆

聞都督再遷山西武寧

胡牀雪夜斗牛表親待回探夜不收薊北咽喉此爲  
最山西將帥爾稱優千金粉面捐廝養百鞘朱提買  
絡頭倒死瀟瀾姑諾諾大宛終敗匿驛驕

自空道走居庸雪連峰百仞橫障百折銀色晃

晃故來撲人中一道亦銀鋪也坐小堦冒以

紅氊疲羸數頭匣劔笈書相後先冰氣栗冽

肌粟晶晶如南夏瘴瘞苦吟凍肩倍聳憊甚

矣却贏得在荆關圖畫中浮生半日

昨夜飛花苦不多朝來起視白峩峩一行裘帽風中  
去半日關山雪裏過銀髻望夫高入漢玉屏隨客折  
成河中間一道明如線四角紅氊擁數騾

送丁叔子北上慰乃兄

令威三世通家好廿載遷居會面賒醉我龍鐘纔地  
主憐君馬首又天涯春燈雨雪瀟瀟夜野店茶湯處  
處家想見皇都堤草綠春鴿細語遶梨花

代壽黔公 蒼雅為杜嗣響

有道明王守四夷公家鎖鑰在雕題一天樞紐群星

北萬里金湯半壁西茅氏騎龍艱切火王喬奉藥儻  
九泥何如翊戴勳臣府永鏤金書鐵馬蹏

又

異姓王功階特進大將軍客揖須長太平象馬舞何  
事勝會鳧鷖醉不妨錦席珠璣群彥舌金爐煙霧百  
蠻香殷勤剝有華封祝先遣山呼到帝鄉

又

千花百果候青陽二月爛斑匝點蒼樣簇濃枝靈鷲  
錦光添繡襪石麟牀干戈後取儀雙髯弧矢先懸志

四方我國同休恩不淺年年此日憶 高皇

亞夫墓

墓在巢縣此亦虎傳也

王者從來云不死共疑隆準及重瞳已占龍氣成天子却幸鴻門敗乃公一牧乳羊遮墓白幾株寒棗覆碑紅憐儂疽發不欲活豈為人間少鄧通

白牝蛟

招寶山東行若千里洋也白牝蛟宮之相傳是千年物遂名其所蛟門而向所詒海酋王直之倭商在岑港者自春抵夏屢進剿屢阻於兩人言蛟之祟也幕中醜罵蛟俄而雨如

注

寶山門外白蛟宮獨處千年不嫁雄頓頓渦漚番燕子殷殷霹靂懶蜈蚣風權近屬誰家掌日本頻由爾路通一語稍嗔酬惡雨量無周處在軍中

又

儂應坐視稿三農不爾祠何吝一叢早使嫁夫封石氏昔教將尾示劉翁寸鱗縮虱腥逃井蛻骨專車雪硬風莫倚秦龍終秦爾史臣親記醢雌龍

讀文信公仙巖祠集焚乎

每疑天意不分明，枉殺呼天問屈平。諸葛既難扶後  
主，廬陵何用產先生。停舟此夜艱危地，出戶當年歎  
息聲。腦子不靈尤恠事，竟將腔血灑燕京。

又

山翁伏臘競雞豚，海舶針羅失曉昏。六尺托孤俱趙  
氏，一宵投主得公孫。波濤解逐旌旗走，巖洞寧無氣  
鬼存。安得扶叩親一拜，百花如錦醉山門。

夜坐有感轉憶往事 不移不履之態

朝來乾鵲聒簷牙，入夜孤燈也弄花。兒女一生夢養  
虎，行藏四足畫添蛇。因嗟竹箭歌如篋，時泛荷花到  
若邪。記得萬峰高頂鹿，竟晞黃犬獵人家。

香煙 意幽沈筆浮動咏物上乘

誰將金鴨銜儂息，我只磁甔待爾灰。軟度低窓領風  
影，濃梳高髻縮雲堆。絲游不解黏花落，縷嗅如能惹  
蝶來。京賈漸疎包亦盡，空餘紅印一梢梅。

又

午坐焚香枉連歲，香煙妙賞始今朝。龍拿雲霧終傷

猛。蜃。起。樓。臺。不。暇。飄。直。上。亭。亭。纔。佇。立。斜。飛。冉冉。忽。  
逍。遙。細。思。絕。景。雙。難。比。除。是。錢。塘。八。月。潮。

又

霜。沈。欄。竹。更。無。他。底。事。遊。魂。演。百。魔。函。谷。迎。關。僂。紫。  
氣。雪。山。灌。頂。散。青。螺。孤。螢。一。點。停。灰。冷。古。樹。干。藤。寫。  
影。拖。春。夢。婆。今。何。處。去。馮。誰。舉。此。似。東。坡。

又

蒼。葡。花。香。形。不。似。菖。蒲。花。似。不。如。香。揣摩。范。擘。鼻。何。  
戰。應。接。王。郎。眼。倍。忙。滄。海。霧。蒸。神。仗。煖。峨。眉。雪。挂。佛。  
燈。涼。併。儂。三。物。如。堪。捉。捉。付。孫。娘。刺。繡。牀。

又

說。與。焚。香。知。不。知。最。堪。描。畫。是。煙。時。陽。成。鑿。口。飛。逃。  
永。太。古。坑。中。刷。裊。絲。想。見。當。初。勞。造。化。亦。如。此。物。辦。  
恢。竒。道。人。不。解。供。呼。吸。閒。看。須。臾。變。換。嬉。

又

西。窓。影。歇。觀。雖。寂。左。柳。籠。穿。息。不。遮。懶。學。吳。兒。燉。銀。  
杏。且。隨。道。士。袖。青。蛇。掃。空。煙。火。香。巖。鼻。琢。盡。玲。瓏。海。  
象牙。莫。訝。因。風。忽。濃。淡。高。空。刻。刻。改。雲。霞。  
右香筒

又

香毬不減橘團圓。橘氣毬香總可憐。蟻虱窠窠逃熱瘴，煙雲夜夜輓寒氈。蘭消蕙歇東方白，炷插針牢北斗旋。一粒馬牙聊我輩，萬金龍腦付嬋娟。

右香毬

春興

率直沈快得杜之微

好景蹉跎知幾迴。今春商略紫洪隈。固應帶插挑深笋，兼好提尊餞落梅。雙蹇百錢苦難辦，片槩孤舟盪莫催。見說山家堯子軟，借穿峰頂晚霞堆。

紫洪笋絕佳

又

乾坤瞬息雪邊風。萬事陰晴雨後虹。已分屠門齋後斷，只難酒盞座前空。半緡榆莢求書客，數點梅花換米翁。小飲墻西隣竹暗，綿蠻對對語春叢。

又

二月四日吾已降，攝提尚復指蒼龍。當時小襍慈闈繡，連歲寒衣隣母縫。一股蟲尸忙萬蟻，百鬚花粉亂千蜂。自憐伯玉知非晚，除却樽罍事事慵。

又

李白桃紅照眼明，蘭風梨雪逼人清。一枝帶藥馮吾



折雙蝶隨風各自爭，粉翅撲衣猶可耐。墨針穿帽此何黥，因思花草猶難撥。却悔從前受一經。

又

七旬過二是今年，垂老無孫守墓田。半畝稻秧空餓鹿，兩株松樹罷啼鶻。悲來辛巳初生日，哭向清明細雨天。忽撚柳枝翻一笑，笑儂元是老婆禪。松為盜斫

又

昨冬不寐苦夜永，此月餘弦喜晝長。柳色未黃寒食過，槐芽初綠冷淘香。西池蝌蚪愁將動，北地鞦韆影

不忘。描寫姬姜三百句，白魚儘飽小巾箱。

舊聞鞦韆在臨濟賦

詩數十首  
幾二百句

又

胡烽信報收秦塞，夷警妖傳自贛州。十萬樓船指甌越，結交鄰國且琉球。不臣趙尉終辭帝，自王田橫怕拜侯。幾島彈丸髡頂物，敢驚沙上一浮鷗。

又

孟光久矣掩泉臺，海口新阡此再開。煖色一天霞影入，寒潮萬里雪山來。迢迢支壠何方發，箇箇曾楊着

徐文長文集 卷一  
處猜急買松秧三百本高陰元仗拂雲材

送季子微赴李寧武總兵之約

黑貂裘襖盡長安此去關山雪未殘  
挂印曾蒙公子約解袍應念故人寒  
大豪馬邑墳堪弔天險羊腸路復難  
到後莫須先一拜未妨長鋏向人彈

南鎮之南原桃樹數百花時余數遊賞當武陵

也道士苦打攪盡伐之憶以詩

鎮南亦自有桃源載酒來尋不計年  
祇爲燒茶煩道士故令閉洞返漁船  
一從春雨花開後是處朝霞色可憐  
笑我老來無脚力欲呼船子少船錢

二月望後連日夜風甚不減前年而是日二兒

書至 諧語不失趣韻

天寒地凍正霜宵被冷風號入帳驕  
貫屋再經飄瓦盡破爐重補買薪燒  
老牛春壞堪馱鳥小犢書來尚滯遼  
好買柴團葭一搭急鞭歸馬補虛勞

瘡少陵病馬詩日暮不收鳥啄瘡

唐伯虎畫崔氏且題次其韻

彷彿相逢待月身不知今夕是何辰  
行雲總作當年

散胡粉空傳半面春。嫁後形容難不老。畫中臨榻也。  
應陳虎頭亦是登徒子。特取妖嬌動世人。

吳宣府新膺總督

邸報初翻數葉。藤棟梁今喜。梗柵勝市場。春後皆青。  
草。司馬秋來在白。登天下安危真足仗。眼前修短却。  
難憑。最憐投轄相知客。不得隨車負此情。

子肅再赴戚總戎所未至死於都下

正韻

幕中賓客盛文詞。幕府黃金客再持。共擬歸來作生。  
計。不堪老去哭相知。一春綠草飛蝴蝶。千里黃沙暗。  
鼓。輦兩地分明誰苦樂。遊竟莫遣到家遲。

紅葉

纔見芳華照眼新。又看紅葉點衣頻。只言春色能嬌。  
物。不道秋霜解媚人。宮水正寒愁字字。吳江初冷錦。  
鱗。鱗更餘一種閒風景。醉雜黃花野老巾。

蘭亭次韻

相傳蕭翼竊蘭亭記  
掀閱百花一時盡開

長堤高柳帶平沙。無處春來不酒家。野外光風偏拂。  
馬。市門殘帖解開花。新觴曲引諸溪水。舊寺巖垂幾。  
樹。茶回首永和如昨日。不堪悵望晚天霞。

送長洲居山人士貞

客裡尊罍每見陪，那能不飲送將歸。歌長筑短堪流淚，雉叫鷹呼未解圍。雨雪尚淹春籜薦，清明還競夜。錫非鄉風處處從來異，曾宿閭門記憶微。

重修 乾清宮成迎 慈聖再御

輔臣用此題 選翰庶時予

客京師 漫賦

閭闔重新紫極熙，姬姜再御寶輶移。慈顏既近趨承易，聖體猶冲保護宜。烏換歌筵前日曲，花籬輦路舊時枝。一人奉養兼天下，大孝鴻名萬古垂。

五色鸚鵡黃鸚鵡並是

聖母所馴各賦

白燕往時呈翰苑，錦鸚今日貢宸居。萬年枝上栖偏麗，百鳥圖中態未如。參養固知天意在，語言長得聖顏舒。何因五色鮮成染，自是媧皇煉石餘。

又

合殿風和碧柳絲，嘉禽色占錦紋奇。兼呈五德靈雞綬，倒挂孤桐小鳳儀。無數天機臨譜繡，有時人語出花枝。侍兒不用拋紅豆，自有佳音慰聖慈。

右五色者

又

西隴靈禽翡翠粧。稀聞正色染黃裳。自談玉殿非關學。却照金籠別有光。飲啄定應歌帝力。生成何幸稟中央。千秋萬歲歡無極。土德坤興本肇祥。

又

鸚鵡由來只翠衿。中央正色見於今。將懸半暎初生柳。欲繡全宜細縷金。教言一一聞清禁。銜果時時摘上林。不是黃筌能畫取。誰知殿角有祥禽。右黃色者

賞成氏牡丹和韻

將軍臺館俯林泉。春後名花幾日鮮。一本千金非不貴。數杯深夜轉堪憐。却披半暎當亭下。似出殘粧媚客前。遙憶舊京歡賞處。馬蹄塵土踏成煙。

王翁八十令書貞松白石畫中

公再舉鄉飲

鄉里丈人誰最賢。竹齋先生無間然。八旬尚有嬰兒色。三老重登國學筵。春社插花人醉後。秋蠅作字夜燈前。庭中桂子森如玉。白石長松好共懸。

姚崇明晚暎堂

喜不費思

粉額縣題晚暎堂。主人留客夜焚香。提壺不必過隣店。買筭真教棟破塘。彭澤俸錢多備酒。崇明宦橐止

栽桑僦居幸得為隣舍伏臘長招醉酒漿

清凉寺云是梁武臺城

蕭梁臺殿一灰飛。薺麥清明雉兔肥。壞榜幾更金糾字。饑鬼應爛鐵城圍。東來鏡折龍潭水。北去蘆長燕子磯。千古興亡真一夢。隔江閒數莫鴉歸。

壽馬先生七十

先生齒居會社之第三席又兩  
牧州府艱箋魚蟲無魚蝦古人

往往如此用  
一見東坡集

流朱拂茜雜輕霞。庭畔重縣講日紗。一竹青青支國杖。數櫺灑灑動江花。社筵推長今三席。州郡分春已

萬家。自笑傳經老徐孺。猶將詩說注蟲蝦。

元夕寄金武康

興趣可尋

曾醉春街典破裘。那堪老去却囊頭。鼠凌白晝爭人食。雨共青燈管夜愁。萬戶新粧譁月鏡。一天彩勝亂風毬。流思忽到茗西路。似見絃歌擁子游。

寄上海諸友人

雙魚歲晚渡江津。笋飯豚羹又換春。棄印可望天上客。射書元屬海東人。天愁夜幕鈴偏急。柵暗縹藤鼠正巡。湖水萬重蘭芷隔。因君還上佩芳身。

戊辰廿有四日尚賓時中宿於園夜大風雨冰  
厚尺詰朝得子甘北報走筆遍諸友

夢裏分明夢塞鴻朝來便有鯉魚通話深白榻三人  
雨冰斷黃河一夜風馬憊豈堪重蹠蹠烏飛何苦辨  
雖雄雲天萬里嘗嫌窄恰作庖雞鎮日籠

玉師挽章

師蛻棺以兩瓦甕  
頓踣踣嶺庵中

隻鞋葱嶺去三年兩甕團團嶺箇邊劫火只思將骨  
化寒花依舊護人眠我雖活在如籠鳥子已瀟然作  
蛻蟬安得騎牛天竺道月明重話三生緣

養生書成紀事與夢

注參同契成家釜炊飯盡  
黃夢小溪蟹如斗大脫殼

出嬰兒已而復  
入殼時尚繫

黃梁換色道書成紫甲更來夢裏呈孝婦不寬終有  
雨水禽持蚌一何晴中郎贖命慳修史叔夜濱刑且  
養生見說漁翁馮一葉波掀浪穩付前程

某氏新園

買地鋪山引露濃中縣洞壑亞玲瓏抽將菡萏誰邊  
水割取蓬瀛若箇峰江左枯茶宜別墅襄陽落日醉  
山翁花枝儘媚當尊客莫辨金釵座上紅

送趙大理

先巡撫貴州  
通權大理

纔聞歸馬駐雙輪，又見旌麾動去塵。  
廷尉由來須長者，武侯聊借服南人。  
昨經湘水洲蘭莫，今渡黃河岍草春。  
萬里波濤隨意挽，相逢處處有枯鱗。

綠牡丹

白牡丹姓張名珍奴  
回道士教之修鍊

牡丹綠者未曾聞，狡獪司花此弄新。  
漢水鴨頭教作帔，隴山鸚鵡未呼人。  
韓郎頃刻愁難學，酒輩逡巡醉可頻。  
不羨張家回道士，身拋紅粉練庚辛。

次蘇長公雪詩

與原作清峭亦相似

翩如巾舞玉人纖，皎似禪宗戒律嚴。  
姑去盡留雲母粉，客來只醉水晶鹽。  
正愁黃獨迷鑿柄，故壓梅花入帽簷。  
埋沒遠山知幾許，且收螺子畫眉尖。

何仙姑食雲母粉而稍畫人物

又

白糝堆寒沒曙鴉，姨家風急攬銀車。  
翻將灞水驢邊色，忽點孤山墓上花。  
何物黃冠滕六友，相思白舫戴逵家。  
今朝穆滿觴黃竹，笑指銀泥畫戟叉。

又



固知嫋嫋不勝織。亦有稜稜莊且嚴。劍底白猿塵越女。槎頭黑瘦粉無鹽。冰初勢已寒千仞。霽後人多曝一簷。笑憶小姬誇党日。可教輕試茗芽尖。

又

海上青山插髻鴉。海蛟輪織不論車。儘教一夜裁綃葉。那得傾都不奈花粉屐。特停漁者槥。赤梢併付酒人家。蚨郎迫使劉伶去。忍別青旗燕尾叉。

青州贈鼉磯研副以詩奉答

義山詞色少陵

音調

恭承錦字題文石。尚帶青州海氣濃。蜃影幾痕疑墨繡。雀臺萬瓦賤漳銅。醉來好蘸張顛髮。老去羞箋鄭氏蟲。應有紅絲螭匣底。宮鬟爭捧寫蘋風。

莫老至聾矣

長洲人向任杭湖墅能詩

幾度相逢莫丈人。幾年斷却耳根塵。新潮正險君何冒。舊雨重來話只陳。梅樹一堤通處士。桃花雙板閉漁津。詩名到處南金重。自歎工詩老更貧。

八月十八日阿枳三江觀潮夜歸示三詩每

前雄深後風逸。不使少陵佳人拾翠句獨勝。

東來小港入潮枯。總直潮辰只大都。父老猶談錢氏  
弩波濤。終奉浙江符。一城菜熟須鹽急。百笠蘆長縛  
蟹麤。却問黃塵飛未得。祇言鹹濕滿頭顱。

又

聞道黃熊伯子宮。銀山銀海走銀虹。千花競蹙魚龍  
後。萬里長來日月東。河伯正驕秋水舌。非神亦弄廣  
陵風。蓮姬自愛潮多信。看弄潮兒欲嫁儂。

又

胡馬帆檣故不禁。鳴潮故避大江深。非關冰許淖沱  
合。信是鯁高海浪沈。處處新粧邀步襪。年年舊雪漲  
城陰。阿宣也鎖書堂去。獨曳青藜詠玉簪。

戲擬不往

白頭筓籜齋中坐。赤脚蓮花頂上行。九節閒將邛竹  
杖。一籌輸與老門生。邇來婚嫁麤酬債。此去風波任  
打萍。五嶽高頭誰掖我。肉身菩薩未身輕。

讀某愍婦弔集

弔集云愍婦之死非一端最甚者以姑章給其子不認其母云

少時乳母也

孀鏡難教兩處明。空桑真見一兒生。噴乾口血梟初

大綵落梁塵。雉自經。寸骨崢嶸。爭壑雪。自吟風雨響。  
窓晴。急須一本彈漁鼓。雅、誰恐有中郎別唱行。

擬弔蘇小墓

公詩往往幽異。豈容豆日見耶

一杯蘇小是耶非。繡口花腮爛舞衣。自古佳人難再  
得。從今比翼罷雙飛。薤邊露眼啼痕淺。松下同心結  
帶稀。恨不顛狂如大阮。欠將一哭慟兵閨。

聞里中有買得扶桑花者

俱屬大方

憶別湯江五十霜。蠻花長憶爛扶桑。陸郎第爾知何  
等。趙尉栽儂定幾行。蜀鬼啼。益乾夜夜猩。魂搏血濕

蒼蒼。狂香結態堪誰比。箇是憨兒醉後粧。

又

炎花冷蘂逐時開。當取當壚着處陪。海女纏頭雖絳  
帕。江楓落葉亦殷腮。千金知向何番買。一朶分簪破  
帽來。奪取胭脂等閒事。只愁兒女太安排。

又

篋茜奩螺取次將。長紅大翠儘蠻娘。闌干笑語腮堪  
譯。浣火衫裙焰未涼。白浪有緣陪賈客。江潮無伴醉  
檳榔。吾鄉惡熱連年更。帶得蒲葵上海航。

又

鶴林寺裏別袈裟，又幻扶桑到若耶。溪女惜香還齒昔，海人澆醉歇枇杷。似聞此地春猶雪，悔上孤帆曉載霞。臘社少年貂帽上，簪紅莫忘遍茶花。

今來自嶺海者云扶桑花也予昔所見殊不類是殆大蘇所詠涓涓泣露紫含笑焰焰燒空紅佛桑耳花家剪雙頭見寄始覺首四作之誤乘酒漫成六首以贖差錯挿硯水瓶媯然有笑語意豈亦憐老人之衰眊耶復取餘瀝

澆之當纏頭耳滇蜀村歌云披蓑衣打杖頭

鼓風流在何處予擬答鄉諺云雪落長江裏

依舊化作水何不落則雨却要底字是箇底鄉語

讀作不知花神有知作何平章夜見夢云叟

所謂黃連樹下彈琴也

昔者曾憐佛桑賤今來却見貴扶桑天雞叫罷日纔上海蜃樓高霞正忙此時此花染欲醉是株是朶茜成行都爭茜頰堪千鎰誰問蓮花似六郎

又 幽新趣絕

天喬萬里忘風土。天地中州若雨暘。面面燕支凌虜  
妾。家家蝴蝶過隣墻。已聞好事狂通國。會見名園賤  
洛陽。剝葉可醫蠶病不。大家春箔卧銀僵。扶桑蠶長  
七尺子如

燕  
卯

又

結殊繡艷解似齊梁亦不得

扶桑一擲百樗蒲。賈舶槌蚨罄鏹塗。萬鉢鋤鋤寧汝  
願。幾春爛熳為誰都。盍從海島陪田客。故試淮泥可  
木奴。欲借邊鸞花鳥手。為添王會百花園。

又

後四句更率直老成

翠幄青欄半面扶。烘脂多粉照蒼梧。稍疑壚婦頻中  
酒。莫認昭君肯嫁胡。幸爾波帆收北指。慚余霜髮對  
東塗。嫣然一笑如相問。儂是南鵬第幾雛。

又

寬衫高髻自是國粧

煖紅滴滴兩名娃。插向磁瓶研水些。崔閣小紗縫杏  
子。石家大剪裝榴花。無橐可傾河朔飲。有儂堪老邵  
平瓜。矮檐破壁還愁汝。雨惡風狂燕掠斜。

又

將軍池館有王戎。何似扶桑到海東。過嶺風塵雙袖

暗際天煙漲一裙紅細腰迴雪憎魔女濃頰圍燈笑  
醉翁寄語寒溫須着意別來淚血尚溶溶

寄吳通府以墨見寄

名成器休寧人時予初出  
繫吳勦倭功多在處有碑

紫顙舊暎郡齋長聞道顙今亦着霜去定將軍呵醉  
尉生猶碑字滿襄陽殘軀乍別阿鼻鬼寶匣透飛片  
腦香近日東陵瓜好不幾從炎熱轉清涼

魏文靖公卮貯以梓匣輒賦

魏家名德並恢恢魏氏宗彝並偉瑰既有貞觀丞相  
笏復傳文靖鉅公杯金螭百隻誇誰氏火色千陶翠

此枚貫取隣醅賞新購先澆一滴向西飛

某君見遺石磬

泗上歸來動隔年親提浮磬與冷然一除梵版裁雲  
俗再扣哀鸞遶竹圓老去固難腰似折貧來直到室  
如懸閒窻重理當時架數杵香殘客話邊

賣貂

予再北以贄文得貂帽領絨  
其三賣其六乃不滿十五金

市上挾葛塞眼黃將貂往市不成羊孟嘗一腋收狐  
白季子千金敝洛陽固是此方饒毒熱亦窺生事正  
空囊鹿皮破盡惟斑在大雪關門擁壞牀

賣磬

故憊多竹而鵲叫  
振林每歌輒罷

貧來一石不能留解贈王郎愧取酬莊舄戀鄉聲自  
舊金人辭漢淚長流半肩荷蕢過門請一葉師襄入  
海遊寄語春秋休責備後來能有此人不

賣畫

數詩詼諧灑落無非妙境

一束丹青半贊詩稍如吏部長安時蕭條客舍彈碁  
得流落人間作記垂到處馮將臨贖估傾箱拚共蠹  
魚機卧遊忽奪正惆悵壁隙何遮風太吹

賣書

第三言已身亦將賣耳况書  
乎作音做僮書用便了券事

貝葉千緡粟一提持經換飽笑僧尼僮書我亦王家  
作偶散誰非大塊泥帶草連年高纂述巾箱一日去  
筌蹄聊堆剩本充高枕一字不看眠日低

長至次朝

昨日涼雲絳色微朝來南鳥北籠飛一丸自弄玄黃  
劇百線爭穿傀儡機小劫鰲蹄撐略任大人龍伯負  
將歸何年姤復鞭為馬數盡河沙未放鞵

岳公祠

墓門朱戟碧湖中湖上桃花相暎紅四海龍蛇寒食

後六陵風雨大江東。英雄幾夜乾坤博。忠孝誰家俎  
豆同。腸斷兩宮終朔。雪年年麥飯。隔春風。

某君生朝抹牡丹爲壽

道德固爲長久物。崇高亦是聖賢嘉。莫言白首疎狂  
客也。須朱闌富貴花。一研溫風輕散。凍數尖濃葉。醉  
塗鴉。試教挂向西京宅。未許堯夫筭有涯。

十月廿二日園西櫻桃數花便有蝶至

令節初冬。遍下旬櫻桃。數杪着花新。天寒翠袖宜深  
幕。日莫紅簾訝美人。小頰預施三月粉。微脂未褪昨  
宵唇。梨花定不開。大上百姓人家借小春。

又

夏實每看當鳥盡。冬花何事向人妍。不堪憔悴行吟  
後。故弄陽春欲雪前。正苦白頭愁兀兀。誰家黃蝶過  
娟娟。杖藜立斷斜陽影。淚盡西風送菊天。

訪李响樓山人於靈隱寺

時被繫七年暫放先  
是寓杭年少暇則扁

舟湖上故  
有未句

响樓詩客學全真。半日深山說鬼神。送到澗聲無響  
處。歸來明月滿前津。七年火宅三車客。十里荷花兩



漿人兩岍鷗鳧渾似昨就中應有舊相親

九月朔與諸友醉某子長安邸舍得花字

時一舊友

稍貳故及之時  
又值大除溝道

滿庭山色半闌花觴曲交飛古俠家肝膽易傾除酒  
畔弟兄難會最天涯不教醜醜歸何事望到茱萸節  
尚賒燭暗溝渾都莫慮近來官道鏟堆沙

某伯子惠虎丘茗謝之

恒言俗事成許雅韻

虎丘春茗妙烘蒸七碗何愁不上升青箬舊封題穀  
雨紫沙新罐買宜興却從梅月橫三弄細攪松風地

一燈合向吳儂形管說好將書上玉壺冰

桐鄉馮母

其子成進  
士疏母節

三遷近俎苦霜時一尺殊恩湛露霽自古男兒嬰日

少誰家嫠婦

帝王知高齋客飯寧辭髮落葉寒機

幾斷絲兒說仙郎棲海曲更無魚鮓到塘西

又

青史他年定幾行太夫人傳在中央不須竊藥居明  
月自解將心結暗霜片匣遠飛鸞字重單雌親刷鳳  
毛長羅敷雖老携筐在什與吳姬出采桑

畫魚既作古詩矣久之復得七律

茲圖稍似少陵詩微風吹雨出魚兒尺稍詎許牛涔  
活遠水何勞象隊移是處有魚爭聚網畫心無懶穩  
搖鬢五侯刀几知多少免爾為鯖正在斯

擬送巡滇者

先君後先兩撫賊敘勞僅得夔州府同知不有名宦可祠耶志可收

耶

握節新為萬里行何人不羨舊書生一簪白筆襜帷  
冷幾驛紅氊祖道平清淨共推周柱下糾彈交指沐  
黔寧故家門第須喬木何況先皇許世臣

吾兄驄馬後昆賢今佐鳴琴倍灑然雙杪長松廳事  
後三吳流水大江邊應憐道路疲迎送莫買鱗鯉糜  
俸錢他日相過莫相忘金山頂上酌清泉

錢王孫餉蟹不減陳君肥傑酒而剝之特旨

鰕生用字換霜螯待詔將書易雪糕併是老饕營口  
腹省教半李奪蟭螬百年生死鷓鴣杓一殼玄黃玳  
瑁膏不有相知能餉此止持蓋脯下村醪  
文待詔却唐王黃金  
數笏而小人持一  
簞餅索字內之

答嘉則

十年纔一問平安，只尺渾如對面看。舊日詩評雖有價，近來公論孰登壇。百年忽已崦嵫暮，一齒時崩首藉盤。臘雪秋潮同馬日，何人不道是金蘭。

詣五洩驢上口，占寄駱懷遠。何忝少陵。

勝賞猶絲百里堤，蹄僵路滑不勝泥。溪山待客寒雲外，雨雪逢君楓樹西。束帶豈難官自懶，尺箒不重老能提。何由共轡蒼苔上，指與諸峰一一題。

九流

九流渭也，落何流。戴髮星星一比丘，紅袖曾酣樓上。

又

孟密上官爭寶井，臨安那大反。狂酋兩眷並屬先人撫一字，曾無太史收。正值同袍巡此地，却嫌泥壁向高頭。况無杯酒為儂別，安得怱怱絮所求。

過伯升宅玩骨董而菖蒲尤盛，魚有紅色，有藍

色，有玉，有錦，俱三尾如鼎，又有水晶四尾者。

菖蒲鉢鉢，虎鬚抽玳瑁，盆盆錦鯽浮衰老。一塵幾不染，小兒百件欲拏週。言歸肯問遲和早，再到寧知得與不。落日青山三四點，幾回舟子促回舟。

雪中移居

十度移家四十年今來移迫莫冬天破書一束苦濕  
雪折足雙鎗愁斷煙羅雀是門都解冷啼鶯換谷不  
成遷只堪醉咏梅花下其奈杖頭無酒錢

又

高雪壓瓦轟折椽跌凍移家勞可憐長鬚赤脚泥一  
尺買傭呼酒賒百錢饑鳥待我彼簷外梅花送客此  
窓前百苦千愁不在念腸斷茫茫黯黯天

送婁某丞丹陽

乃祖御史

舞黑風仍墮海洋舟倫酷畢卓生為酒肆穀張良死  
在留每枉尊罍思一報幾時將轄井中投

雞聲

雲中丹竈伴神仙亦有棲遲高樹顛向夕既來迴客  
夢凌晨特去曉霜天韻風籬外雞俱集頸漲花前繡  
愈圓不似吳門塘上鴨音自只將名姓向人宣

蛙聲

陂塘科斗書猶易海國侏儒譯較難草際不知何物  
語燈前直聽幾宵闌樞風為逝愁蛇覺梅雨交喧亂

鴨欄五寸卽且留不得令人爲爾發長歎

聞有賦壞翅鶴者予嘗傷事廢餐羸眩致跌右

臂骨脫突肩曰昨冬涉夏復病脚軟必杖而

後行茲也感仙癯之易賊羨令威而不皆橫

榻哀吟輒得二首

澤國秋風海色鮮飛騰無計只頽然雙棲入夜遮煙

獨半影拖花寫雪偏衣袒右肩慵焚客柳生左肘在

皇天可憐獨剩滄溟氣乞與昂藏步榻邊

欲鳴不鳴拍不禁况復蒼蒼萬里心舞袖今餘兩舞

手曝衣惟障一邊陰不辭搖拽將池遠似解躡躡照

井深傾國捧心翻所貴一庭欹影喚清吟

建陽李君寄馴鷗俄殪野狸信至燕哀以三曲

予四畜鷗而輒敗其一爲廣東陽江楊氏所遺一從少保公行闔分諸廩饋一爲錢子酬詩此則李所寄並閩產也○杜甫詠鸚鵡世人憐復損何用羽毛奇雍陶詩秋來見月與歸思自起開籠放白鷗

魚鳥尋盟未許同冥棲誰復伴龍鍾荒欄取食曾呼  
掌繡尾迴霜罷掃籠老去逢愁消不易秋來見月放

成空定知此夜竟游處多在武夷山水中

又 性情閒灑

索姿馴態碧山空。劇爪貪涎一飽充。殘粟幾乾遺甕  
水。落花時起墮毛風。千里提携兩蠻嶠。四迴參養一  
飄蓬。將詩換得胡家者。向後不知何所終。

又 情鍾此輩益見潦倒

憶昨含悽下王庭。殊方遠嫁儼姬羸。正憐妙羽搖孤  
雪。忍爲饑饕爛一腥。草色應枯武夷道。書聞亦濕建  
陽纓。情鍾此輩非關癖。猿鶴年來一壑情。

賦得萬綠枝頭紅一點

名園樹樹老啼鶯。葉底孤花巧弄春。已拚濃陰渾覆  
鳥。獨留殘豔尚撩人。青樓百座迎桃葉。翠袖傾宮捧  
太真。記得隴西長吉語。斗筲如海爲朱唇。

王鄉人尋二十年之父。覩歸自衛輝。合其母壙  
寄埋叢塚北邙。同有客求尸萬莽中。白骨兩鄉兒得  
父黃泉一笑。媪迎翁淚餘。指點居亭老血盡。歛函夜  
壑紅。千古燈檠歸櫬事。莫論真贗總輸儂。

賦得漁人網集澄潭下

紅椒碧鮓數夔州百網家家白鷺洲柳外鳴榔喧隔浦夜來燃竹滿中流長鯨未必愁連弩公子仍煩餌一牛提向酒家都藿葉可憐無計避鎗油

十七夕

宣城中遶溝皆流水至是冰咽矣

銀帶邊兒駿馬馱西墻倒酒劇懸河高松入座無人對明月當杯奈夜何此際鄉心愁不少滿城流水響無多東房老衲憐牢落夜夜來吹鶻打鵝

賦得賈客船隨返照來

千金不惜買鳴箏萬斛魚鹽水上行幾度煙波愁日莫半程風物趁天晴西郊鸛鶴摩雲入東道艤舳晚飯迎笑指紅霞如有意乾衣騎馬廣陵城

書劉子梅譜

有序此予未習畫之作

劉典寶一日持已所譜梅花凡二十有二以過余請評予不能畫而畫之意則稍解至於詩則不特稍解且稍能矣自古咏梅詩以千百計大率刻深而求似多不足而約略而不求似者多有餘然則畫梅者得無亦似之乎典寶君之譜梅其畫家之法必不可少者予

不能道之至若其不求似而有餘則予之所  
深取也。悉掀一過不必跨驢向灞橋而詩思  
飄然於是呼管贈典君書舊所贈二幅使吟  
之典君試吟果亦不必跨驢向灞橋而畫思  
飄然更掃一枝以歸我耶。

曳裾纔謝楚江蘭。却寫梅花贈歲寒。馬上不殊新折  
寄雪中。又少舊年看影。從棘畔。墻俱白。挂到窻。關月  
倍團。分付東風好。將護他年山館障闌干。

又

江南風物在新春。筆底生花幻水村。似月付將千片  
影。因風欲動一窓痕。逢人固是難攀折。入帳還應惱  
夢魂。笑殺朝來無粒米。呼童捲向市邊門。

送某之大倉

吳中曾客幾經年。此去書帷得玉賢。潮認舊人頻到  
岬。燕穿新柳特迎船。蘆芽白白河豚上。梅雨昏昏海  
國眠。應憶越山籠鶴在。長於月出叫孤圓。

將牧羊庚戌元旦筮之得明夷之上六

入地登天兩不妨。從來作戲在逢場。門前晝靜堪羅



雀城上春深好牧羊披褐家門孫令尹入山經紀卜

中郎已知此意無人會間坐看雲點太陽孫叔敖事見史記余

先子宦歸家甚貧故引用其事

元夕休寧道中遙憶鄉里

陌上雙雙結袂頻翻如飛燕蹴輕塵一年樂事花流

水幾夜他鄉月照人驛路酒家留去馬溪橋梅色弄

新春相隨惟有孤龍劍會向囊中笑客貧

賦得清秋落葉

白帝乘秋秉素蜺青娥挾露弄風威榮華不敢違天

意搖落偏當寄客衣大漠霜淒隨角散孤城月白伴

砧飛鏡中不久繁桃李愁殺秦川織錦機

清風嶺

赤霞城畔女郎身曾將羅袖障胡塵半巖竹淚猶啼

月一水菱花解照人那取藁砧還破鏡祗持完壁碎

強秦江天風雨來何急似覺詩成泣鬼神

焦山

曝龜死於牛觸實事也道人言之

徵君祠廟碧山隈僧舍中流面面開全楚客帆遮浦

下廣陵濤色漫窓來曝龜何事當牛觸養鶴翻勞刻

石埋隔取深泥題不得空持黃絹立磨厓

林先生遷教瀧水

特將一鐸嶺南行水郭山郵路幾程方為郡人教弟子又從海國領諸生石中鸚鵡當泥迸帳裡枕椰入夏清莫以遐荒頻作念古來誰不重端城

讀易園詩應一仕人之索

為園讀易幾盧都歸藏連山盡野狐大過久無仍假我絕韋猶在儘伊吾百莖著草龜相守一角梅花鶴自呼曾與京焦相問難至今記得石渠無

馬策之奉母任鳳凰山下之水樓

鳳凰山下遶清流策也迎親任此洲正好敲冰求尺鯉倍宜垂雪飯高樓月中醉客搖船夜露下聽蟲助竹秋何日細鱗隨網得招予沽酒柳橋頭

狐裘

裘被賒雪夜苦寒取信國文公集讀之賦此

狐裘賒去止三金大海投魚兩歲沈鷹馬趁風嫌未急簷堦負日苦長陰歌聞未必如金石肘見真應捉領襟猶喜雪宵看信國髮衝冠頂汗淋淋

歲暮夜雪招二王詩人蓋果小飲

徐文長文集 卷之八  
二王二王來何難。榼榼清醑頓欲乾。何處王門無短  
板。最難客路是長安。蘼鹽雪糝充瓶立。蔗藕霜消飽  
膈酸。四海論交頭盡白。至今膽落體交寒。

徐文長文集卷之八

公安袁宏道中郎評點

門人郝之璽公琰校訂

五言排律

宣府槐龍篇

有敘

宣鎮開府之西有槐曰槐龍。高不過丈餘圍  
亦未匝兩把而廣團如蓋。糾枝如龍蛇。重不  
可勝。支柱以數十。可擬五楹屋之覆。盛夏葉  
生蒼楮。騫撲又若窳穹。而鵬下語其奇。蹇非

特一世所無卽鄧林見之亦當却避而偃也  
然所云丈餘者榆櫪耳而頂折處始爲槐相  
傳 毅皇帝幸此中人所接以植者或云  
文皇子視之非百年中物云 文皇蓋 文  
皇數幸此以討不廷 行殿當槐處意槐植  
其時殆然耶舊爲某叅戎宅圃以其所從來  
如是也久之不自安迨今吳鎮公至則曰是  
地爲 聖祖臨御以平定所不可以私準其  
直贖之遂稍新其構用以備講武饗士子過  
鎮公與萍逢者數人憩其下少焉榼至爲數  
酌起步稍北得曲甃似以浮筭而涸不流間  
水得古方井去槐可數十步汲以漱冷不可  
銜以其甘也勉吸焉始悟水木母也母殊而  
子以凡理限可乎以此推之未百年而成是  
植未爲不可信也

大樹將軍號喬松大夫封何如茲茂蔭宛爾作深籠  
目目尖成兔條條結縮龍乘涼翠葆颯撐暑碧油烘  
開府何年買 天王舊物鍾賔觴飛燕外塞略坐籌

中鵬翼垂天下，龜裙覆海穹。柯南蟻壘國，甃北乳方  
泓的的朱門照，霏霏綠霧濛。干雲榆所接，影月桂能  
通。赭茨承新蛻，青絲斷墜蟲。五楹團廣廈，百柱卓雄  
風。大漠馴驕子，長城屬令公。一枝陰虜馬，半葉掃邊  
烽。矢石無忘備，尊罍稍可從。先朝勤灌溉，後代倚  
幢籠。虬擬皇情悅，黃猶御氣蒙。長陵如可作，願  
柱大明宮。

水仙

公排律蒼鍊非沈宋可及

棄粉當粧匣，拋脂落茜坡。黃姑插金鴈，織女洗銀河。  
敢以人間色，來方天上娥。借煙行作雨，不黛掃成蛾。  
渡海群騎燕，橫江或跨鶩。盈盈素羅襪，泛泛綠鱗波。  
剝馥迷湘芷，餘嬌付越荷。兔房秋杵藥，鮫室夜珠梭。  
道子描難似，非煙繡不過。張顛狂草筆，塗罷一高歌。

萬曆二年翰林院中白燕雙乳輔臣以獻進

兩宮並賞殊瑞聞而賦之

以在玉堂  
故四句云

白燕自何方，雙嬌乳玉堂。若非翻向壁，只道斲從梁。  
易許青藜暎，難教黑扇藏。宮釵今兩隻，巷口幾斜陽。  
並語栽薇處，交栖視草旁。春情堪與譯，秋翮好填潢。

御水沿溝听名園隔苑墻穿花雪片疊落絮剪刀長  
逶拂宵麻素爭搖曉禁蒼隨珂迷賈至遮字冷孫康  
未及郊禱候先歌命鳥章 兩宮看帶笑 萬乘盼  
生光或向罌罍度閑馮女寺量江南來舞亭海國墮  
綃襦哺蝶欺殘粉捎蜂糝嫩黃古詞卑苜蓿新曲斷  
滄浪出入皆消禁差池半紫房姬姜紅線繫姊妹縞  
巾揚巷咏偏諧謔 廷裁必雅莊冰霜俱入句吐嚼  
總生涼飲啄如知介飛鳴迥不常瓊瑤報 聖主文  
彩伴仙郎自古生賢佐多因爾兆祥試看今稷契還

奉舊虞唐

送史叔考讀書兵坑

連歲賡酬久茲晨伴侶稀百觥澆鶴卵一硯匣鼉磯  
漸到鳴灘岼微穿聚葉暉窮經朱簡斷揭字墨光肥  
霜白典雞早茅紅掣兔飛逐時文股麗人悟習心非  
水遠緘魚斷山深脯獸晞客來供鹿蹠雉下警羅扉  
竹筏何曾爛耽玄自不歸

觀浴象

昨一象忽狂而奔折廟門之闌又  
輟耕錄持荷筒吸酒名象鼻飲

帝京初伏候出象浴城湍乍暎長壕黑時涸巨浪漫

有顛皆積垢無尾不藏瘢出沒漩渦口崔嵬蹙听端  
巴蛇吞未下灑石浸還乾決盪瓮泥落吹噴細雪殘  
鼻卷荷屈水牙割藕穿瀾逐隊趨蹄易呼群拭背難  
秣芻廝養習湔刷羽林官並是生殊域同來飼一闌  
不爭儔力大共荷 主恩寬帶濕驚鈎鐵携涼臥藁  
搏鼃鼉心不畏鼠豕額何攢昨日誰狂走今朝爾頓  
安從茲須自愛莫更攔闌干

和葛景文

十丈高垣地團團遠棘柴青天懸澗黑澗鎖龍垂  
不以無窮變來縈有盡懷提壺向前去付鍾許渠埋  
每剖遺魚素翻思去鳥偕真成秋落羽欲插上冲骸

抱琴美人圖

會真無此沈雅

身去盼猶轉抱琴何處來定知清夜裏去聽長卿回  
細細腰宜舞輕輕步懶催睡濃粧略淡性慧相多猜  
眉下波含柳顛心風落梅對人蓮欲語袖手藕藏菱  
浣水傾吳國爲雲到楚臺帶飛修曳編珮響細衡瑰  
綠帳愁單掩朱唇似善訴冰絃寫離怨洞閣遠誼歷  
曉戶玲瓏啓春花次第開相將折芍藥掩暎過莓苔

蜀國倡嬌薛河中色妙崔試將同佇立正慳兩徘徊  
宮髻髮一尺明珠環兩枚自然宜淡掃故不畫煙煤  
或薦珊瑚枕如傾玳瑁杯息芳將近近粉膩愈皚皚  
按曲迴成雪徵車響帙雷翟衣真帝也荇菜合悠哉  
箜篌傳麗玉琵琶伏善才何如鼓流水真若遡沿洄  
別鶴引如弄求凰調轉哀有人於座上奈爾隔屏隈  
採藥人聞阮遊仙者姓裴不言偶襄漢定說見天台  
巧笑金難買多香玉借胎繡穿新樣領綬結古文罍  
皎似珠遊浦清如露滴槐採花棚上竹鬪草砌隅臺  
約伴携雙手懷人在兩腮鴛鴦何處覓鸚鵡有時撥  
增減俱難中短長元自該趙妃宅裏妹宋玉里中魁  
宛爾凝如望嫣然乍可俛臨波卽帝子食肉亦蓬萊  
懊惱思金谷闌干哭馬嵬流波與流態令稿復令灰  
絕代誠難得瑰姿理莫推如斯落魚鴈毋乃夢蛇虺  
俠客氣何壯佳人棄若隕將來換駿馬期在得高駉  
艷冶非不愛縱橫良有材從他形裊裊不戀志恢恢  
湊兩難爲祭爲屏併作傀麝香新熟餅獸鼎舊安能  
茲畫何人染錢塘漆子裁拂暎驚臥榻助腕汲新醅



持過西陵下，因啼蘇小堆。青松惟下鳥，紅頰已成煨。  
潮長日初仄，春深草漸莓。山家時吠犬，捕雉又張罍。  
上下鳧鷗沒，擎拳翡翠毳。物華迅流轉，顏色總塵埃。  
處女元吾守，明時肯自媒。有時求在栢，不信舍徂徠。  
忌嫉生宮闈，芻梁飽鴛胎。祇聞饑婉戀，不見斥鴳臙。  
戲論摘多韻，談虛遍九垓。性空色不着，養致體逾頽。  
既已成圖畫，其何忍剝摧。屏圖裝已匝，花月任爲災。  
書舍瀟瀟影，奇花一一栽。對卿長比金，顧彼獨澆培。  
風颯羅帷裏，蟲鳴玉砌咳。此時漢武見，又道李寬迴。

先除夕二日雪甚如嬰兒拳

次日迎春

臘盡接春將，孤眠枕被涼。朝興驚六出，午晏俛千篁。  
兀坐愁空甕，群栖塞壞墻。搏酥幾鶴卵，絮柳未鶯黃。  
堪取爲毬打，行看桂露僵。明年從大有，連歲却餘殃。  
見說開元寺，重新古道場。一髡擔化主，十殿敞閻王。  
猶記迎春昔，長顏此地觴。解姬捎誕馬，蠻子襖綿羊。  
樓角嬌波聚，亭椒嫩采粧。百壚忙酒保，四郭擠村娘。  
獸圈攘牛土，蟲枝試鳥簧。不知今日賞，還有此風光。

畫坐草栗鼠

的色少陵

鼠有能跳者名因嗜栗傳兒童袖裏串松檜頂尖縣  
寫躍難爲逸描躡易犯妍臀肥隈草煖尾大刷瓜圓  
叫喚孤雌別銀鐺舊伴牽坐思禁一飽暨產大如拳

電 奇險

列缺儼睢盱緋冠絳褲襦礮鮮舌哆煙焰漲天嗟  
侍從排焦額槐檀塞太虛光中藏栲栳麥處借旛旗  
雞吐朝官綬龍逢海豕驅阿香開鏡數玉女笑壺輸  
好作王戎眼休燒李勣鬚滅明難捉摸搜索愈逃遁  
或見焚鱗尾徒聞遶斗樞金蛇穿雨劃赤兔駕雷屠

煨燼乾坤赭飛騰日月徐閉門遭斧鑿馮塔養蜘蛛  
鎗斗何工煨硫砒若帑儲旱乾於閃魃冬蟄伴泥豬  
萬瓦穿如瞰孤窓熱欲糜淫威神鹵莽僥倖鬼椰榆  
昨夕狂傾潦群靈儼聚誅彌霄紅落燕馨海白跳珠  
但劈梧桐去何曾打卽且

雷火如燕  
夷堅志

芭蕉花

芭蕉種四年華葢發茨檐玉蘭爲媵姊木筆是曾玄  
十一帑蓮菖尋常類馬肝坼難剗海蚌瓣厚落河蚶  
香色無非斂蜂胥有自閒古粧蠶婦出立馬使君寒

春久枝俱果霞長鴈正還寄書蘇蕙老挾扇婕妤辱  
我昔南過嶺蠻多種在田實甜藤俎上絲冷葛機邊  
和荔燒天紫同椰蓋海炎別來頻屈指禿後止餘顛  
不道孤亭畔言抽徑尺團逡巡無術致描寫恨才慳  
太華尖崩半平原頽脫剗鹿遮樵者夢魚沈美人丹  
苦少榴枝泛珊瑚奉倚欄

子侯芳園王瓜駢秀傳聞遠邇快觀咏歌附驥  
非才續貂聊漫

老後圃聊便栽蔬夾芋田壞轆牽遠井破屋傍隣椽  
脫帽當茶竈持剗掘笋鞭忽來新莫逆幸忝舊忘年  
却說渠家圃如承帝眷倦瓜雖非五色蒂却領雙圓  
杵向秋砧挂旒添曉纒縣孿胎咽并紐蝓尾鼻俱穿  
自是生成偶非關造化偏瘦孤羞杜預面對儼庭堅  
未羨三眠柳那論並萼蓮嬌黃濃鬢鈿淺黑楸針綿  
花謝知誰後藤升許孰先客歡浮白賞婦喜用紅纏  
野鼠分行抱墻蝸別隊綠霜時爭畫捲月令特書傳  
楊尹詩幾首柳州表一聯合歡光簡策內履慎周旋  
駢拇從來賤重腫自昔憐馮他閒估校何處定媼妍

宴游西郊詩

有序

借飲寺人之園

去郭不五里有名園焉喬木蔽空流水遶砌  
 望之如錦屏幾折而花蟠就以携尊亭兩區  
 而翬矯迨若珍果累累貫珠蔚矣蒼蘿飄飄  
 結幄鳴禽調管半是黃鸝飛蠅怯冰全投綠  
 蟻待群公而未至適微興之孤騫大白屢浮  
 爰揮紫兔雌黃無事聊就黑甜乃若菊醬木  
 甃之云無非實事朱卿侯家之引並非虛言  
 舉其尤者他可知矣

園樹有白櫻桃

艾候當龍舫萍蹤集鳳城凌晨催邸飯乘暇出郊行  
 短短蒲抽玉交交鳥弄笙辭簷排擁蔽並馬得崢嶸  
 碧岫紅雲幻磁壺白雪擎候賓賓未集顧僕僕頻傾  
 菊醬何方至胡桃撲地橫騎龍排木甃剪虎綴冠纓  
 綵扇臨杯舄蒲團就几馮甲蔬香百種根撥秀千英  
 菡萏含冰腦櫻桃滴水晶胡蜂俱仰蜜家鴿半棲甍  
 熟果從枝摘穠花得葉清看餘錦綺色聽斷轆轤聲  
 買竹金千鎰温瓜火一星鈎彎遲桂鬼流曲擬蘭亭  
 菱藕堆盤雪蠅蚊避席冰江南渾縮地塞北總怡情

折簡招群彥、聯牀勝百朋、來希王情懶、別易客心驚、  
折柳條餘幾、牽衣淚鎮零、舞腰寧自賞、歌曲遲儂聽、  
日炙嫣紅袖、風狂散綠萍、盆供春色滿、篔展晚涼迎、  
茉莉簪紗帽、玫瑰裊醕觥、習池淹席幕、金谷較輪贏、  
可惜朱卿去、偏當赤地晴、錦帆風不進、玉笋月誰賡、  
孤悶當蘆發、頽軀倚樹撐、長空生咄咄、懊緒付娉婷、  
得意才俱雋、相如賦擬成、吹噓真俗話、放浪自浮生、  
毳遠飛明月、山來匝翠屏、歸雅分樹掠、饑馬望芻鳴、  
入郭斜榆影、迴鞭指柳營、侯家銀燭朗、客座綵簾明、

貝葉書難譯、蓮筒吸判醒、轄沈驚座睡、樓迥景陽昏、  
朝馬搖鳴佩、升烏影畫櫺、百川如變海、重此醉長鯨、

張氏子黃鸚鵡

見說黃鸚鵡、西來自氐羌、色今分間正、天與改文章、  
竟奪春鸚羽、全爲漢鵠翔、能言猩敢並、借染蜜初房、  
稍挂楊絲亂、聊摠菊瓣張、金釵翹衛女、紅豆惹蕭娘、  
惱燕依人紫、愁鷹掠兔蒼、香拳閒缺爪、妙影閃銅梁、  
江夏埋詞客、秦山問上皇、赭袍雙暎淺、芳草一洲長、  
夢兆呈妃子、琵琶喚海倡、性情胎戊己、音韻合宮商、

百鳥窺應噪，孤凰見必傷。未能求一友，差可哭三良。  
老病渾如昨，新聞喜未嘗。借看如可許，香稻當茶湯。  
後聞鸚鵡眼，系直度兩眸。人可洞視，險句過。

惱公

雙瞳穿腦過，對面兩菱花。琥珀鑽松竅，琉璃釘扇紗。  
隔顛孤碧炯，橫準一梁加。飲啄千峯物，雌雄萬樹家。  
回頭忽不見，交睫夢成賒。摩盪晶初日，玲瓏射落霞。  
照拳明蕨腦，夾喙影萋芽。戀月睚寒暈，啼煙淚澀沙。  
端州鸚鵡研，蠻郡石榴砂。睥睨雄生怒，迷離媼作邪。  
傾城秋水顧，阿堵虎頭誇。認客休青白，韜光混瑾瑕。  
如憐蔡家女，分鏡葬琵琶。

題宋刻絲蓼花立鳥圖

江上深秋景，偏於蘋蓼妍。娟娟啼葉鳥，淡淡入村煙。  
生色渾疑畫，微絲却是牽。精時愁呂紀，妙處失黃筌。  
久挂方知定，初驚只欲翩。天孫無限巧，乞與世人傳。  
丁卯六月十六日五鼓夢一憲公更訊予獄子  
頗懇乞且歷數古人事憲公乃取片紙手畫  
一白犬從雪中獵作題且曰汝賦得十韻即

止予賦得十二句而憲公遂巡起予亦覺半

忘矣今續成之夢中所記者秦雪覺無據鷹呼二句亦強真夢中語也

太白高秦雪林官選漢都西燧非遠物冬狩是雄圖

冰溜蹄兼滑花銷毳結酥逐方餘狡兔烹豈遽韓盧

羽搏紛迷素毛燐糝共疎一聲非口吹萬壑得嗚呼

馳影爭飛霰蹲身印守株窮搜寒愈急凍尾煖微濡

固取矜獯獨還宜解網罟莫教將耿雉文錦碎模糊

徐文長文集卷之八終

徐文長文集卷之九

公安袁宏道中郎評點

門人郝之璽公琰校訂

七言排律

上督府公生日詩并序

嘉靖己未秋九月廿有六日恭逢督府明公

之生辰於是文武吏士及鄉大夫士若耆舊

賓客以公自鎮撫以來功在東南者實大且

遠乃相與各抱其所有以為公長久祝而公

後文長文集 卷九  
於今年春夏之交受諸道告捷之後奏凱  
天闕戢兵海隅民物熙和旬宇清廓惟茲嘉  
誕適屆其時萸菊交芳天日俱朗旌旗應爽  
氣而彌肅饒吹協商颺而並遠慶者雲集萬  
衆一辭比之往昔益爲隆盛菓小子叨沐寵  
榮間嘗一佩筆操鉛以奉侍幕下雖慙賤少  
文不敢自附於衆人之後至於仰清光祝久  
遠其心固無異於衆人也謹撰長篇一首凡  
百句奉伏門下以充獻壽之禮自知拙陋無  
所發抒然慕戀恩私忻喜盛事自不能已於  
言耳

遠曙輕籠海色蒼涼颺新薦菊英黃清秋此日逢華  
誕繡褱當年遶異香地與人文增氣象天爲聖國產  
禎祥壯猷未老如方叔秘略曾傳似子房初捧兵符  
分虎竹再銜使命馭龍驤森羅島嶼諸夷會鎖鑰門  
庭一面當刀斗不傳人自樂牙旗欲動勢偏揚桂棹  
定遠遙辭漢寬大汾陽近在唐管領華夷新士馬掃  
平吳越舊封疆曾先突騎重圍裏親式鳴蛙大道旁



已遣嚴兵營細柳更教長劔倚扶桑三承寵錫恩  
何渥一受深知德愈光定有姓名題御宸每勤賞賜  
到遐荒千齡素質雙麋鹿五色奇毛兩鳳凰國有昌  
符臣協吉家承嚴訓子徵良田單下狄親鳴鼓姬旦  
居東久缺折屢觸歆炎辭羽蓋轉巡郊野憩甘棠軍  
中作氣頻投石陣裏籌機捷探囊蔽日轅門標大纛  
浮天水寨集餘皇雕弓並月名繁弱寶劔衝星出豫  
章幾處名香迎馬首數群長鬣夾車箱量兼滄海涵  
諸島身作長城障一方萬里星辰羅北極百番貢道

出東洋曹彬賜劔權偏重庾亮登樓興合狂引至偏  
禪堅誓約邀還賓佐據胡牀鯨鯢久已封京觀翡翠  
行看出越裳詎止芳名流簡冊還將偉績著旂常功  
成淮蔡應趨闕路涉燕齊好待糧將相位兼勞出入  
君臣道合致平康山城令節茱萸發高宴華軒錦綺  
張日照花明諸樂作風吹帳啓衆賓藏鶴鳴流響聞  
天漢芝燦浮光到羽觴競取良辰占上壽復欣嘉會  
嗣重陽樹聯月桂輝花萼斗近天河挹酒漿黑齒呈  
歌須譯問文身獻舞傲專場地連玄嶠仙常集候傍

黃鐘日漸長，共以精誠抒華視。况兼佳麗屬錢塘，  
 生本住山陰里，浪跡疑乘海畔航。城下釣魚懷漂母，  
 堂前結客憶周郎。未逢黃石書誰授，不墜青雲志自  
 強。抱玉已憐非楚璞，吹竽那識動齊王。幸因文字蒙  
 徵擢，時佩管毫侍瑣廊。綦履東西魚共麗，戎衣左右  
 鴈俱翔。縣知陳阮時游魏，豈乏鄒枚並寓梁。博採燕  
 昭期致駿，曲存宣父愛。非羊衆人國士階，元別知己  
 蒙恩心所量。自分才難堪記室，人疑待已過中行。搆  
 成燕雀猶知賀，報取瓊瑤未可償。偶值高門挂弧矢，

且賡小雅賦，桑楊却慚未協宮商調。並當筵巧奏

箏

奉侍少保公宴集龍游之翠光巖 命與沈嘉則同賦時方有

閩之役

樓船幾日下錢塘，勝地臨江綺席張。虎帳山開蘿作  
 帶，龍潭水積劔為光。芳羞自出船窓底，妙響偏宜舞  
 扇傍。日暎桅檣兼樹密，風吹絲竹裊雲長。漁郎賈客  
 停何事，桂楫蘭橈渡不妨。暫脫錦袍懸翠壁，忽抽彤  
 管拂青緗。闕中國計籌能悉，醉後兵符發更詳。寶馬

嘶群行雜錦紅旗懸的射穿楊霜前下葉沙俱積雨  
後殘碑蘚更香野曠牙官分作隊林疎甲士補成行  
松杉借翠連幢碧橘柚分金映甲黃羽扇周郎臨赤  
壁輕裘叔子在襄陽庾樓無月人猶往郤幕開風客  
不藏遠眺非關眺麗景雄心先已到遐荒建溪露布  
風雷急淝水兵威草木揚却與從行諸幕士維舟九  
曲泛清觴

數年來南雪甚於北癸未復爾人戲謂南北之  
氣互相換似賈人帶之往來理或然歟邊塞

不易雨而今每潦十九韻

陰陽北去隨南客雨雪南來自北天雨爛胡弓知幾  
歲雪高越瓦已三年偶然盡海迷遼鶴不是登橋聽  
杜鵑吠犬從今無一處喘牛必問有諸賢明明日向  
彤雲暗杳杳璣籠紫霧懸羲氏輪膏埋壁屑滕公泗  
水瀉銀錢銛鋒插戟包難見深窅穿泉粉愈填萬里  
蕭條昏井邑千家凌奪失園田疑花宿誤群歸羽折  
竹真摧幾個圓鼻醋釀寒先慣吸羹鹽調劑未堪煎  
傾危作兔當山頂搏控成獅向日邊借皎肥身灰象

飽吹柔害物素猫拳綿針絮刺俱叢棘玉瓣銀筒假  
淤蓮陽德盡闕閭闔上陰威直到祝融顛華亭羽翼  
漫天久上蔡鷹盧獵野偏伍員江長潮正怒三閭沙  
白骨新捐稀如尸蠱穿雲去細似繩蠅點壁旋急舞  
魚鱗明扈跋繁遮蝗陣暗霄騫袁安臥苦僵猶得解  
緝尸埋醉可憐萬事豈俱埋得盡有時終露髑髏寬  
次夕降搏雪徑滿鶩鴨卵余睡而復起燒竹照  
之八十韻 險澁幽苦東坡後復見乃公  
把炬循除立斷藜鴉驚彈雪宿印低終宵有許垂鶩

伏片刻應能沒馬蹄一一劈分舒濶掌團團捲擲碎  
霜梨紅塲盡海毬爭打白鷺橫江荻未栖崩屋塌簷  
支正急窺窻入竇倚相睽後飛輕薄高難下先引威  
稜導且齊隔歲窖藏猶霰雹群兒想象入後視辨觚  
出六摧桃李瑞舛過三黨稗稊博浪金椎徂擊遍彌  
天白燾殺機提鸞髡鷓吹毛盡竹哭梅啼到骨披  
穿重解深三窟鬼侵多不剩一丸泥暗隨鵬翼長沙  
拍亮誤雞司短曙啼灰燼挑殘寒夜火袍誰脫與故  
人綿流蘇既編堪鈎挂粉的渾綿向鏡低風絮謝娘

難可擬煙蘆。雉客幾成迷。公孫被襪涼如鍊。子母蚨  
緡瀉若漸獸。徑易漫麋散跡。獵弓難放麝香臍。巖俱  
周處南山額。毳盡蘇卿北海羝。鮫室百窗簾蛤蚌。羌  
胡一國水玻璃。饑脾苦逼長安殢。酸鼻寒淒宰相醢。  
葉尹如捐棺可玉麻。姑未老海堪梯。洪崖走水流松  
外。穆滿量珠賞竹西。綠鬢取裁髮髻樣。金釵都換柰  
花。鏡儒壘瓦甕鹽艱糝。俠噉屠門蒜太羈。蝙蝠假仙  
搖石乳。蚺蛇馮膽攪銀堤。將紉作蓋俱成羽。取綴爲  
裘盡是麕鷹隼。攫身功奪狗牛羊。埋角罪歸駮軒轅。

鏡色飛橋頂。歐冶鐔霜掣劍谿。蕩樣乾坤成玉合。紛  
紜翳膜刮金篦。楊妃暗粉玄宮發。卓氏蒸巾皓首齊。  
此際胡雲黃滿塞。當年梁簡赤曾題。霽微未必清鐘  
磬。灑急如堪付鼓鼙。紅袖共斟將共若。錦囊須佩却  
須奚。寒郊瘦島吟成蟄。煖肉肥肌屏作閨。漸離荆卿  
僵易水。趙王代娣冷摩笄。瑤枝上漢叅雲霧。銀鬣行  
天睹馱赬。併是凌寒貞歲柏。不同趨熱媚權娃。親淹  
上國裘曾救眼見。金吾騎總緹盡領。熊羆供掃拂。別  
從雉兔較罟罽。高培糞梗團成菌。柔斂幽毛嫩作莢。


肖、慘、睢、盱、夔、罔、兩、塑、嬌、咽、項、女、蝨、蟻、粧、塗、恨、少、施、肌、  
 髮、刻、畫、爭、先、解、佩、鷲、何、事、井、噴、煩、蜥、蜴、祗、馮、陰、焰、颯、  
 虹、霓、瓠、犀、璀璨、排、媽、齒、榴、子、齟、齬、墮、老、覷、解、觀、紫、駟、  
 鮮、豹、犢、俄、穿、翠、裸、化、貂、袿、宮、奩、鏡、煖、因、椒、瑾、塞、壁、刀、  
 斜、謝、鷓、鴒、木、稼、怕、官、話、雜、讖、草、乾、愁、牧、馬、頻、嘶、媧、皇、  
 煉、石、霄、猶、漏、帝、女、燒、鉛、杼、懶、擠、凍、霽、尖、持、燕、七、首、明、  
 恣、塵、射、魏、刀、圭、睥、睨、釘、斷、于、闐、帶、沙、礫、礮、刃、令、尹、珪、  
 連、日、大、酺、粲、儘、掬、傾、筐、堆、帛、取、如、携、騎、都、爛、漫、糜、羊、  
 胃、庖、坦、縱、橫、解、犢、脆、燕、領、不、醒、頽、錦、帳、蛾、眉、邀、醉、疊、

金、樺、印、堪、楚、曲、流、宮、徵、必、喚、齊、僮、許、滑、稽、蕩、甲、搗、糜、  
 明、練、組、長、鷗、大、鏃、拭、弧、鉀、孤、煙、罷、突、真、三、日、破、釜、縣、  
 臍、僅、一、驚、水、木、騎、羊、來、代、述、滕、封、弄、雨、各、訶、詆、心、憂、  
 掘、閣、衣、麻、矣、狂、走、茺、蘭、帶、悸、兮、霎、爾、黃、腸、漉、鼠、鼠、俄、  
 然、白、骨、葬、鯨、鯢、為、燈、跋、燭、須、臾、滅、沃、錠、消、瑇、項、刻、齋、  
 公、向、蒼、儀、騰、皓、潔、竟、忘、赤、地、混、緇、驚、隨、颺、避、越、迎、關、  
 吠、度、葉、為、花、帶、鳥、棲、蜂、蛺、誤、猜、堪、蜜、蠟、清、明、纔、斷、正、  
 錫、飴、西、池、萬、里、吹、黃、竹、東、郭、雙、堂、趺、赤、鞮、想、見、穹、酋、  
 鳴、立、圍、親、看、牀、足、縮、趺、蟻、恰、妨、青、帝、迎、春、仗、無、救、朱、

徐文士集 卷九  
炎病夏畦壓取剛條俱偃偃試尋勁草但萋萋幾時  
千仞消凌蟬何處雙桑赫海輓形虎似鹽盧晉俎調  
梅無味枉商鑄蝗蝨未必沈三尺甲拆先應了一卦  
莊語夏冰蟲定惟趙襄冬日襖爭後風偏助勢長成  
練月總輸光不到犀履薄有人愁墜谷乘危無盡上  
埋奎豈無黃道辜葵藿翻以丹心許蒺藜火急寄言  
青女道添霜啼殺伯勞兒

連雪後迎春憶舊十二韻

土牛一夕添神采雨霰連朝妬客鞋邀隊本期相跳  
躑踏遊不暢只擠排冰牢北斗璿璣澁凍滑東郊仗  
引乖老病似蟲吟革竇少年如夢憶蓮簿飛香塞巷  
堪經宿立帽平簷別墁街奪綵連毬追寶馬爭梅帶  
雪上金釵花房醉客槌朱鷺水店墟姬饌紫鮭小市  
溫淘槐盡葉貴筵餅餌韭初芽蕭條邑里難如昨想  
象風光未必皆是處從今跌盡草中央偏我立如柴  
一隅掩鼻真成笑七字瞞心戲作俳青帝祗今何處  
去勾芒一似不曾來



去。因。苦。一。人。不。會。來。  
一。期。蘇。真。真。美。美。士。字。淵。必。想。并。特。青。帝。亦。今。何。歲。  
采。風。去。未。必。昔。長。遠。鈴。今。刻。盡。草。中。央。國。際。立。成。業。  
監。國。賦。盡。葉。貴。美。將。再。非。降。芝。蕭。翁。馬。里。驥。吹。郭。恩。  
雲。上。金。燈。蘇。氣。細。容。跡。未。驚。木。却。盡。歌。贈。紫。袖。小。京。  
甚。際。宿。立。削。平。豈。限。豈。許。奪。絲。鼓。特。豈。實。也。每。事。皆。  
小。昨。未。祿。以。盡。今。華。實。少。手。吹。夢。意。義。事。分。香。塞。春。  
灑。韻。幾。不。測。只。蘇。林。水。字。非。卡。銀。與。並。東。亦。更。波。如。



